

## বগুড়ায় স্কুলছাত্রকে ইট দিয়ে খেঁতলে হত্যা

বগুড়া ব্যুরো

বগুড়ার নন্দীগ্রাম উপজেলায় দুর্বৃত্তরা পঞ্চম শ্রেণীর এক ছাত্রকে ইট দিয়ে মাথা ও দুই হাতের কব্জি খেঁতলে হত্যা করেছে। শনিবার সকালে বাড়ি থেকে দেড় কিলোমিটার দূরে সিধাইল গ্রামের একটি মাঠে তার রক্তাক্ত লাশ পাওয়া যায়। নিহত স্কুলছাত্রের নাম রাজিবুল ইসলাম। শুক্রবার বিকালে উপজেলার ফোকপাল গ্রামে বাবার ব্যাটারিচালিত ড্যান চালানোর সময় সে নিখোঁজ হয়। বিকালে এ খবর পাঠানো পর্বত ড্যানটি পাওয়া যায়নি। পুলিশের ধারণা, শিঙাটি ঘাতকদের কোনো অপরাধের প্রত্যক্ষদর্শী ছিল। এ কারণে তাকে ধরে নিয়ে হত্যা করা হতে পারে। তবে স্থানীয়দের ধারণা, ড্যান ছিনতাই করার জন্য শিঙাটিকে হত্যা করা হয়েছে। হত্যাকারীদের অতিদ্রুত গুলে বের করে দৃষ্টান্তমূলক শাস্তির দাবি জানিয়েছেন স্বজনরা। এলাকাবাসী জানান, নন্দীগ্রামের ফোকপাল গ্রামের ড্যানচালক

রেজাউল ইসলামের ছেলে রাজিবুল স্থানীয় বাগিয়াগাড়ী সরকারি প্রাথমিক বিদ্যালয়ের পঞ্চম শ্রেণীর ছাত্র ছিল। শুক্রবার বিকালে ৫টার দিকে শিঙাটি বাড়ির পাশে বাবার ড্যান নিয়ে খেলা করছিল। ঐকপূর্ব্যে সে ড্যানসহ নিখোঁজ হয়। স্বজনরা অনেক খোঁজাখুঁজি করেও তার সন্ধান পাননি। শনিবার সকাল ১০টার দিকে সিধাইল গ্রামের শোলাগাড়ী এলাকায় উপুড় হয়ে থাকা তার রক্তাক্ত লাশ পড়ে থাকতে দেখা যায়। পরে পুলিশ লাশ উদ্ধার করে বগুড়া শহীদ জিয়াউর রহমান মেডিকেল কলেজ হাসপাতাল মর্গে পাঠায়। নন্দীগ্রাম ধর্মার ওসি শামীম হাসান ইব্রাহিম জানান, ঘটকরা ইট বা বাঁশের আঘাতে শিঙাটির মাথার পেছনে ও দুই হাতের কব্জি খেঁতলে হত্যা করে। মরদেহের পাশে ইট ও বাঁশের গুঁড়ি পাওয়া গেছে। তিনি আরও জানান, হত্যাকারীদের গ্রেফতার ও ড্যানটি উদ্ধারে অভিযান চলছে।